



NEWS CLIPPING – PRESS

CLIENT: DSA EXHIBITION AND CONFERENCE
PUBLICATION: BM.MALAYSIA-CHRONICLE.COM SECTION: POLITIK
DATE: FRIDAY, 19 FEBRUARY 2016 PAGE NO.: 1 OF 1
CIRCULATION: ONLINE FREQUENCY: ONLINE
HEADLINE: M'SIA SETUJU GUNA 3 PENDEKATAN ARAB SAUDI PERANGI IS


The screenshot shows the homepage of Malaysia Chronicle. The header features the site's logo with a stylized 'M' icon and the text 'Malaysia Chronicle' in bold. Below the logo is a subtitle in smaller text: 'ruang untuk berbicara tentang Politik...Bisnes...Sosial...'. The main navigation menu includes links for 'Utama', 'Politik' (which is highlighted in red), 'Bisnes', 'Sosial', 'Popular', 'Terkini', and 'Video'. To the right of the menu is a search bar with the placeholder 'Google™ Custom Search' and a 'Search' button.

Jumaat, 19 Februari 2016 09:30

M'sia setuju guna 3 pendekatan Arab Saudi perangi IS

saiz font - + | [Cetak](#) | [E-mel](#) | [Komentar \(0\)](#)

Berilah rating artikel ini  (0 undi)



Malaysia bersetuju menggunakan tiga pendekatan Arab Saudi dalam memerangi Daesh termasuk mengenal pasti sumber kewangan kumpulan pengganas itu, kata Menteri Pertahanan Datuk Seri Hishammuddin Tun Hussein.

Selain itu, katanya, Malaysia sedia menggunakan pendekatan negara itu bagi mengenal pasti ideologi propaganda Daesh dan peranan media sosial dalam merekrut anggota kumpulannya.

"Ini merupakan hasil perbincangan saya bersama-sama rakan sejawatan Putera Mahkota Arab Saudi Muhammad bin Salman baru-baru ini.

"Pendekatan itu merupakan satu daripada inisiatif kerajaan dalam mengekang penyebaran Daesh, yang kini menjadi kebimbangan dunia,"

katanya kepada pemberita selepas menghadiri taklimat Persidangan dan Pameran Perkhidmatan Pertahanan Asia (DSA) 2016 di Wisma Pertahanan di ibunegara semalam.

Bagaimanapun, katanya, Malaysia menolak pendekatan ketenteraan yang digunakan oleh Arab Saudi.

Pada 27 Januari lepas, Malaysia dan Arab Saudi menandatangani memorandum persefahaman (MoU) bagi mengukuhkan kerjasama pertahanan terutama dalam bidang sains, teknologi dan industri.

MoU itu ditandatangani Hishammuddin dan Muhammad bin Salman semasa lawatan kerja Hishammuddin ke negara itu. - Bernama